

大正炬陀羅尼經

才十七

百八十
短七

48571




元祿九年丙子二月日重脩

皇圖鞏固 帝階綴昌

佛日增輝 懋輪崇轉

山城州天安寺法金剛院置



大法炬陀羅尼經卷第十七

隋天竺三藏法師闍那崛多等譯

短

說無住品第四十二

說聽功德品第四十三

諸菩薩證相品第四十四

說無住品第四十二

阿難時諸菩薩摩訶薩眾於放光如來前陳
白已心所念六事向如來說今時彼佛知諸
菩薩心有所念即復告言摩那婆汝等意念
所入境界寬大無量汝於是中莫生厭倦摩
那婆如彼大地所依住者求其邊際終不可
得諸菩薩言世尊如是等句說何義理而如



來說所有依彼大地住者無有邊際世尊此
說謂何等法住於大地又世尊先說一切諸
法無有住處我於是中欲問如來此微密義
如來今乃說彼諸法一切皆住或言無住是
義云何阿難時放光如來復告諸菩薩摩訶
薩言摩那婆諸衆生等凡有如是八種住處
一切衆生住此八處轉諸行輪無有窮已何
等爲八一者斷常所謂著我不捨我等諸事
業故摩那婆是爲第一世間衆生之所住處
二者眷屬所謂父母兄弟姊妹妻妾男女如
是乃至宗族親戚等摩那婆是爲第二世間
衆生之所住處三者生處所謂三界五道所

生之處直就人中自有三品上者王公尊貴
中者豪族富勝下者貧窮下賤餘亦如是生
家因緣具足我想故摩那婆是為第三世間
衆生之所住處四者資財所謂奴婢作使象
馬駝騾牛羊猪狗倉庫穀米綾羅錦綺金銀
瑠璃摩尼真珠乃至世間種種衆寶如是一
切貪愛保著故摩那婆是為第四世間衆生
之所住處五者容貌所謂身體端正色澤光
華氣力雄猛威儀具足諸如是等為我財故
摩那婆是為第五世間衆生之所住處六者
種類所謂四族即彼刹利婆羅門毗舍首陀
等咸有種習氣類風俗各以為能我心成就

故摩那婆是爲第六世間衆生之所住處七
者作業所謂習禮修仁仿農勤圃工巧衆伎
賈賈往來諸如是等世間作業久習精便增
長我慢故摩那婆是爲第七世間衆生之所
住處八者尊重所謂守護即是天龍夜叉阿
修羅軋閻婆迦樓羅緊那羅摩睺羅伽羅刹
毗舍闍鳩槃荼薜荔多山神樹神地水火風
乃至種種諸神鬼等皆來承事禮拜防護此
亦世間凡夫事業摩那婆是爲第八世間衆
生之所住處摩那婆當如是知此八種事一
切世間諸衆生等皆具足住摩那婆何因緣
故名爲住處當知彼等皆依無明我慢結使

而生住著故言住也復次摩那婆彼諸衆生
長夜熏修增長如是無明我慢諸結使故彼
既熏習增長是事已終不捨離顛倒妄心以
心倒故更於是中思惟分別作定實想去何
實想於受想時即生實想然復於此四大之
中著如實相而實不知真實之處而復於中
作大我想作衆生想亦作常想生常想已即
住此想彼以癡故墮於無明極深闇處而不
目覺我等今日常沒惡胎不能自出摩那婆
若諸智人於生滅中無如是想何以故如是
智人已滅我想故是故智者常應勤作如是
思惟是中無有生滅及生滅者但是世間愚

癡人等不捨如是顛倒事故縛著迷惑終不覺知一切諸法本性空寂凡夫於中妄生我想以我想故彼因具足初顛倒法而復於是受想聚中不正觀察不善思惟不知是身無常臭穢更於其中生清淨想以是因緣彼復具足第二顛倒以先成就常我想故即生淨想起淨想已復於苦中而生樂想以是因緣復當具足第三顛倒以於諸苦根本之中生樂想故何謂苦本云何生樂摩那婆所謂名色初生是苦根本名色具故即爲父母兄弟姊妹宗親眷屬之所圍遶復爲妻妾男女恩愛之所纏縛復爲朋友儕類諸知識等之所

牽連復爲良家大姓形容色貌等之所乱惑
復爲奴婢僕使供侍左右等之所煩擾復爲
象馬駝騾牛羊猪狗穀米倉庫生熟厨宰金
銀摩尼種種財寶之所妨礙或復後時果報
離散於如是等大苦聚中愛著我心而生樂
想然彼終無暫時生念我今住是大險難中
我常爲彼生老病死之所摧辱我今被壞被
破被滅而我現前所有衆具競來圍遶盡是
我賊能劫害我彼諸癡人應作是念此所圍
繞甚於虎豹豺狼野干鷓鴣鷄梟烏鵲異鳥
及諸恠類爲我眷屬我今住此大恐怖處常
溺如是衆苦輪中以我愚癡反生樂想摩那

婆辟如世間蜜塗利劍愚人貪味舌受其殃
如是摩那婆凡夫亦介以愚癡故於彼大苦
無常法中獲得是身生常樂想是故住彼四
顛倒中住顛倒已於不實中生於實想而不
能知昔施因緣今日得報爲衆苦本摩那婆
此是衆生世間住處彼諸衆生皆悉住著此破

壞中滅九種分摩那婆一切凡夫皆悉共有
如是住處然此住處非真住處是諸凡夫但
以不正思惟邪想相續顛倒住此非真住處
摩那婆汝若復問不住法者云何解釋摩那
婆不住法者即一切法無住處故復次摩那
婆於意云何彼迦羅邏時所有諸大有住處

耶不也彼成就業有住處耶不也彼名色時
有住處耶不也初入胎時有從來處耶不也
彼迦羅邏諸大所有支節名色如是一切有
從來處而受胎耶不也摩那婆世間所有一
切四大有住處耶不也彼五受陰成就諸根
有住處耶不也摩那婆如是乃至往昔所有
一切布施因彼受此和合業果皆有住耶不
也世尊佛言如是如是摩那婆彼一切住即
是非住但是思想移來次第相續故有生耳
若有人問當去何答此但名字成就集聚諸
物不是造作於彼無常破壞事中不能觀察
正思惟故何故不觀以依顛倒造諸業故云

何不得正思惟者不說諸有皆因緣生不依
住故若正思惟一切皆是無住住也如是觀
者名爲正觀若能如是順正見時於所生色
身即自能知來處去處於所住二著法中得
解脫時次第捨離而心不乱心不乱已更復
得具大歡喜心得喜心已如前次第分別文
字得文字智名入阿字宮殿法門如是次第
皆當覺知摩那婆彼於入時無有煩惱能成
就者觀本不生然後得入是宮殿處摩那婆
以能如是正思惟故入彼宮殿亦時方得明
了證知其心本來迷沒之處既得證知心亂
處故亦時便得真見純直既得純直見心量

故即得光明得光明故於諸因緣無有住想
無住想故即得諸法無住真處

大法炬陀羅尼經說聽功德品第四十三
復次摩那婆是諸法師不應住彼一切法也
應作不住一切法想應如是入如是入已則
當覺知無量名字所說諸法彼名字法應當
自然而得增長如是法師住幾種法幾種名
字當能觀察諸法次第乃至文句種種次第
然彼法師還應如是護持是法念常現前任
是法中不失不忘句義次第以不亂心任句
義中雖住其中住無住處摩那婆譬如妙巧
織師善用絲縷於織作時或失其縷是人但

以善巧方便次第尋求不用多功衆縷百頭
一時俱得如是摩那婆若諸法師當說法時
或失法門章句次第法師亦時應當念是入
宮殿門何以故摩那婆若彼法師登即憶此
宮殿法門所忘句義不明了者無有是處摩
那婆又如善磨清淨明鏡隨所現像若一若
二若五若十乃至衆多皆悉明了摩那婆此
宮殿門亦復如是法門章句不可但以一相
二相三五十相若百若干或復億數乃至無
量諸相名字而可得也何以故是中所可宣
說但爲凡夫分別諸法斯皆安任如實想中
欲令知此諸法生處滅處旣得觀知生滅處

已尔乃得知虚空少分終無有人能遍知空
而諸凡夫以我想故於法師所及法門中生
少分想然而此想不知是義何以故是阿字
門宮殿處所能有如是無量光明照耀開顯
方便宜說法師既得如是無量光照法門其
所說法或經一劫或減一劫乃至盡其壽命
如是成就具足說是法門終不能盡復次摩
那婆是中五字義次第說應當受持若於如
是方便言說得證知者彼三言教次第得說
摩那婆去何持此五字法門或說初一五字
法門或時盡說阿難尔時彼諸菩薩復白放
光如來應供正遍覺言世尊去何說一佛言

摩那婆所言一者即是先說初五字法能令
一一文句相續其阿字者初不亂心相續次
第和合囉字法門相會其迦字門行行別觀
相續不斷遮字法門種種行中應知摩那婆
猶如四方各有一人是四種人欲觀須彌并
觀四海及以四洲如是四洲繞須彌山自須
彌外無第五洲應當知此邊際境界作如是
想彼中多有衆生住處摩那婆當知是說通
數須彌以爲五洲其間所有皆是大海應如
是觀何以故若攝住處彼之五洲如是次第
當知如是五字法門其事亦尔月於其間增
減往來當知此即五字門義其阿字者無所

偏著猶如山王四面周帀有彼四洲四海圍
遶其間所有日月光輪及諸星宿等一切皆
是無所依著運繞須彌爲衆生用以是因緣
諸衆生等作如是想此晝此夜此是晝夜摩
那婆今者世間有如是法日月星宿繞須彌
山輪迴而行以日月故言是晝夜半月一月
半年一年以有如是次第故作如是覺知覺
已安置世間事相亦即參會諸佛語言法行
不合若不能知應請法師問其可不以不問
故毀謗正法無有信根以不信故諸佛世尊
徒出世耳摩那婆自從昔來無量百千諸衆
生等在於衆中不能信受如是經法於是法

中乃至不能請問一字一句一偈心不清淨
惟有疑惑毀謗法師及如是法以是因緣墮
於惡道我今爲汝說彼癡人以毀謗故墮於
地獄畜生餓鬼備受衆苦輪轉往來無有邊
際摩那婆我今語汝此大衆中若有如是不
信心者速須捨棄不得停留何以故摩那婆
於佛法中無如是事諸如來法無量寬大不
可思議摩那婆若如來住世經無量億那由
他劫者能爲衆生說種種法義何以故摩那
婆諸佛如來見有受持是正法者必欲令其
不顛倒故復次摩那婆我今略說一切菩薩
摩訶薩利益法者於此法中一切世間無有

諍事何以故摩那婆諸衆生等長夜憶念富
伽羅想思惟分別漸當寬大而作常想常著
有想於三界中心生顛倒住顛倒故不知觀
此諸行無常是中我心顛倒迷惑不能如實
觀於無常而作常想即成常見住是見已熏
修種種煩惱衆結增長嫉妬嫉妬盛時即生
斷見住著如是常斷見故入諸見林熏習不
已墜墮空曠大黑闇中惡見成故即此生中
於諸如來應供正遍覺所無有信心何由能
有敬心聽法及知法師說法處所乃至聞說
起隨喜心摩那婆汝應當知是中平等無有
二也若諸法師講宣法時有人聽受如是法

門彼說法師及聞受者二人獲福等無差異
但當教彼如法住也摩那婆如來說法有無
量種而愚癡人等不知思惟如來所說法門
句義隨諸衆生根宜而說如是法義隨聞信
受長獲大利摩那婆如來於法終無秘藏如
衆生界無有藏處如來如是爲諸衆生降注
法雨無有斷絕摩那婆如來若知惟說一句
衆生則解終不重說摩那婆如來旣知是諸
衆生心無藏處是故如來常注如是不藏法
雨摩那婆如來若不爲諸衆生常注法雨介
時世間應大憂怖何以故諸衆生等喪失深
故摩那婆如來若知億百千數諸大衆中有

一衆生於功德門一法句義少證知者如來
爲彼一衆生故住世宣說過恒沙劫何以故
摩那婆能受如是法器衆生世間難值故摩
那婆汝今不應起驚恠心若諸如來說一法
句而衆生等不能解者假使聞說諸餘法門
亦不能解何以故摩那婆以其久於煩惱生
死流轉之中造作如是無量無邊諸不善行
當知悉由放逸根故摩那婆汝於是中莫生
變退若諸衆生聞說斯法能受行者當知是
等久集信根及大智業力摩那婆是故汝今
應當學彼過去丈夫名曰善賢復次摩那婆
汝等應觀阿迦那等三字法門云何觀此三

字門也何因緣故彼阿字門爲十四句中間
分齊摩那婆是三言教方便生處以阿字門
方得入故何因緣故彼迦字門以二十一字
爲境而得說三言教故乃至彼那字門於七
句中而爲境界通達業藏盡攝取故摩那婆
彼章所有四十二字義句門者此即名爲世
間心中出入息事是中文夫四十二息從一
一息依數取之智者應當分別解釋何故言
阿云何名息摩那婆若諸衆生息往來時彼
衆生等壽命得住往而不還是名息滅當知
亦時則爲命盡摩那婆彼旣滅盡復何應觀
以息滅故得知如是諸衆生命摩那婆息若

滅時云何應觀息若存時復何應觀摩那婆
汝等當觀彼阿字句心爲根本無有文字初
方便故應如是觀汝應知彼心業和合及與
氣息出入往來始從阿字乃至义字摩那婆
云何义字爲盡句數此虛空數勝出入息若
有觀者當應善觀不得增減於中若能知义
字相不斷不乱至於第十出入息中亦當不
斷若如是數至第十息相續不斷次第不乱
當知尔時則得住也既得住已即觀諸法生
滅破壞尔時既滅出入息故即生安想得安
想故復得無量身心歡喜既住歡喜復得樂
想不離功能及以方便即得入彼阿字宮殿

入宮殿已還得如是隨順之法住心所行摩
那婆於是法中既無思想去何名識復於何
時心住一處即於今時思惟彼心非滅非非
滅何以故摩那婆彼人今時心想若滅誰復
能入彼虛空者但彼心想既住一處所有法
門自然現前一切文義無隱藏者意欲多說
隨意則能摩那婆復於何時出入息住去何
衆生作如是想此人存活此人退墮此人始
生此人終死摩那婆出入息者即是風氣於
何時中知彼風住復於何時知彼風滅摩那
婆所言風者即是攝在出入息中此但是我
方便言說去何名爲方便說也譬如一切出

入息滅則名爲死如是摩那婆說法息滅當
知即是正法滅也法不轉故說言法滅衆生
惟見此諸法滅言正法滅然是正法實無滅
也摩那婆汝等不應憶想分別謂正法滅汝
等於此正法之中莫生疑惑當如是知復次
摩那婆於意云何後身菩薩坐於道場將成
阿耨多羅三藐三菩提時如是菩薩假師教
不不也世尊菩薩今時無有人教自然得成
阿耨多羅三藐三菩提摩那婆應如是知菩
薩今時無有師教自然證知何以故今時將
爲一切世間作自然師誰復當堪爲彼師者
是故汝等當如是知又復由證第三明已今

乃得名阿耨多羅三藐三佛陀於一切衆生
大衆之中最勝最上於說法時若有沙門婆
羅門若人若天若魔若梵一切來問是般若
波羅蜜無能勝者於諸法門無有障礙若說
一句經恒沙劫終無窮盡以是義故稱言如
來又復摩那婆無有等故名爲如來一切世
間難可得知云何而言此是如來夫如來者
旣不可以眼相知故云何可見摩那婆當知
此乃一切諸法虛空處也

大法炬陀羅尼經諸菩薩證相品第四十四
阿難今時放光如來爲諸菩薩摩訶薩衆說
是虛空宮殿門時有四那由他衆生於諸漏

法中心得解脫時彼億數諸菩薩衆皆得入
是大宮殿三昧阿難彼諸菩薩摩訶薩衆以
皆入是三昧力故令彼佛土一切無有山陵
堆阜石沙瓦礫荆棘惡草及諸坑穿地平如
掌阿難尔時放光如來應供正遍覺告天帝
釋言憍尸迦汝宜觀此億數菩薩摩訶薩衆
皆得入是大宮殿三昧生歡喜心以是菩薩
三昧力故令此佛刹一切成就猶如三十三
天宮殿阿難彼放光佛住世久近及佛刹莊
嚴亦復如是阿難尔時天帝釋白放光如來
應供正遍覺言希有世尊爲獨由此諸菩薩
摩訶薩等大精進力及其三昧威神力故令

此佛土一切成就如是莊嚴爲由世尊道德
威神加持力故致得如是阿難爾時放光如
來告天帝釋言憍尸迦汝意云何此三十三
天及其眷屬微妙莊嚴各處已宮自在受樂
此時爲但天王威力能令若是爲彼諸天往
業因緣今受斯報阿難時天帝釋答彼佛言
世尊我已知也我已知也阿難爾時放光如
來欲具宣此諸菩薩等往昔因緣故復告天
帝釋言憍尸迦我憶過去無量世時有一大
劫名善行路彼劫有佛号曰山上如來應供
正遍覺出於世間其佛壽命於彼劫數四分
之一過是已後入般涅槃佛滅度已有一菩

薩出生其刹名曰明相成就諸根身漸長大
聞山上如來入涅槃後於此三千大千世界
一切住處皆悉興起舍利寶塔爲是事故躬
自遍行閻浮提中盡於海際從閻浮提次欲
往詣第二洲處多諸海難無由得過即復停
住如是思惟我今發趣求大利益方將遍觀
大千國土甫此洲間少許留難尚不能度況
餘天下無量洲渚及大鐵圍所有巨難去何
可過且亦無有世間衆生輕微身力率尔即
能從此至彼亦無有能從彼來者今日如是
自餘洲渚如來寶塔去何可得往彼供養復
作是念而我今者惟以神通移此洲中懈墮

衆生安置餘洲觀諸寶塔隨有何供所在遍
奉無令有乏又此三千大千世界所有如來
舍利寶塔以我三昧神通力故皆成瑠璃衆
寶莊嚴令此世界皆悉平正無諸瓦石荆棘
毒刺乃至無有如芥子許沙礫瓦石亦無毛
髮溝坎坑塹若諸衆生居此土者一切所有

功德果報莊嚴樂事皆悉如彼忉利天宮又
復願令諸寶塔中咸有五種天妙音聲娛樂
供養無有斷絕如是乃至三千大千世界所
有舍利寶塔彼諸供具亦令常有五種音樂
無斷絕時又願此世界遍佛刹土衆寶所成
亦常雨天曼陀羅華憍尸迦時彼菩薩如是

念已於彼洲間即便入於火住三昧入三昧
已彼界所有悉如心願一切成就憍尸迦彼
佛刹中諸菩薩等咸覩如是不可思議世間
希有殊特之事彼佛刹中乃至所有百億日
月百億須彌山百億四大海百億四大洲彼
諸洲渚晝夜常見佛刹土中是諸如來舍利
寶塔亦皆得見彼諸塔中所有舍利殊妙莊
嚴是諸衆生見此事已皆生歡喜踊躍無量
各作是念今此境界誰所作也憍尸迦今時
閻浮提中有一比丘是阿羅漢具六神通諸
漏已盡時諸衆生各作是念我等今應問此
比丘如是境界誰之所作憍尸迦今時閻浮

提一切大衆皆共往詣彼比丘所到已白言
尊者大德今何因緣忽見如是未曾有瑞此
閻浮提嚴淨若是惟願爲我解釋斯事如此
奇妙誰之所爲憍尸迦時彼比丘告衆人言
諸人當知此閻浮提有一菩薩名曰明相能
發如是大精進力云何當今一切衆生得受
安樂如是念已即於洲間入於三昧住大神
通神通因緣現如是事憍尸迦時諸衆生於
比丘處聞是言已皆即共詣彼菩薩所到已
恭敬禮菩薩足右遶七匝生大尊重更復頂
禮住菩薩前復次憍尸迦時彼菩薩摩訶薩
端身正念從三昧起告大衆言諸仁者汝今

可來與我遊歷行此三千大千世界遍觀如
來舍利寶塔憍尸迦時彼菩薩摩訶薩將諸
大衆從洲至洲觀如來塔禮敬供養時彼諸
洲所有衆生以尊重心隨從菩薩而彼菩薩
所將大衆隨諸所須皆令充足終無闕少憍
尸迦如汝於三十天中隨諸天衆所須之
具皆令充足亦復如是彼諸衆生當尔之時
一切無有耕墾田疇實賈求利行諸惡事不
淨活者彼時衆生因菩薩故具足皆受如意
快樂憍尸迦尔時明相菩薩摩訶薩周行遍
歷三千世界觀如來塔令諸衆生成起殷重
尊敬之心供養寶塔自亦興造種種供養因

即教彼三千世界所有衆生皆悉趣求無上
菩提乃至盡壽修菩薩行憍尸迦彼菩薩摩
訶薩有如是等大願威力憍尸迦明相菩薩
摩訶薩去此佛土過千億世界有佛世尊号
娑羅王處衆說法如是菩薩今現在彼然是
菩薩亦於將來過四十阿僧祇劫得成正覺
名無量壽如來應供正遍覺時彼菩薩得菩
提已諸有衆生得聞名者皆悉隨意得般涅
槃皆各於彼所住世界成就本願證阿耨多
羅三藐三菩提憍尸迦以是因緣汝當知此
諸菩薩等自有三昧力無畏等非如來與威
神力憍尸迦若有菩薩欲學諸佛行欲入

佛境界或時值遇如來現前時彼菩薩即應
諮問彼佛如來而彼如來爲彼菩薩爲將爲
導如法而說教令修行憍尸迦諸菩薩等更
作何事而於諸佛如來法中不欲學行憍尸
迦諸菩薩等必當勤學若欲求學心自在者
不於一切諸佛法中學幻化相去何當得爲

於世間是故應當善自學已然後爲人憍尸
迦一切世間外道神仙彼等但以少持戒行
精苦攝心尚具五通隨所應作如意得成何
況菩薩多劫具行六波羅蜜滿四神足而更
不能作如是等少分變化憍尸迦汝於是中
何所驚恠且即斯事無有神通所以者何一

切諸法皆如幻化憍尸迦汝於是處勿復生
疑何以故憍尸迦如來弟子見諸世間猶如
幻化無有疑網所以者何彼信如來即自見
法是故自信不惟信他何以故若世間人既
自見已彼人終不更取他言憍尸迦如人裸
露在道而行設有一人語衆人言此人希有
錦衣覆身憍尸迦於意云何彼雖有言自餘
衆人信此言不不也世尊何以故眼親見故
佛言如是如是憍尸迦諸佛如來諸有弟子
自見法故不取他言其義亦尔

大法炬陀羅尼經卷第十七

短

仇音力圃布補二音種樹薛荔上薄閉反梵下

餓鬼趣也去濟也助皆反等猪厨宰俞上直反虎豹諂

下必豺狼上野柴也鶻留日上音休下音留日

鷄梟反上尺胎反伯勞鳥也堯囉反力加堆阜反上丁回

山婦無石土反凡礫曆下音荆棘居上音京下穽音淨

禽穿地以陌洲渚下反之耕墾下音田疇下直流反



